

乾隆鄞縣志

第二冊

圖書在版編目（CIP）數據

乾隆鄞縣志 / (清) 錢維喬, (清) 錢大昕修纂. —
杭州: 浙江古籍出版社, 2015.11
ISBN 978-7-5540-0722-8

I. ①乾… II. ①錢… ②錢… III. ①區（城市）—
地方志—寧波市—清代 IV. ① K295.53

中國版本圖書館 CIP 數據核字 (2015) 第 291157 號

ISBN 978-7-5540-0722-8



9 787554 007228 >

乾隆《鄞縣志》

（清）錢維喬 錢大昕 修纂

整理 寧波市鄞州區地方志辦公室

出版發行

浙江古籍出版社

地址 杭州市體育場路三四七號

責任編輯 路偉

版次 二〇一五年十二月第一版第一次印刷

印刷 杭州名典古籍印務有限公司

印數 一三〇〇套

書號 ISBN 978-7-5540-0722-8

定價 貳仟圓

鄞縣志目錄

卷序

凡例

卷圖

卷首

天章

卷一

建置沿革

星野形勝

疆域風俗

卷二

城池

鄉里橋梁

街巷津渡

坊表郵站

市鎮

卷三

山川

卷四

水利

卷五

學校書院

公署

卷六

田賦戶口
鹽課

倉儲

兵制

海防

卷七

壇廟

卷八

職官

卷九

選舉上

卷十

選舉下

卷十一

名宦

卷十二

人物一

卷十三

人物二

卷十四

人物三

卷十五

人物四

卷十六

人物五

卷十七

人物六

卷十八

孝義 藝術 寓賢

卷十九

列女

卷二十

舊志賦流

卷二十一

仙釋

卷二十二

藝文上

卷二十三

藝文下

卷二十四

金石

卷二十五

古蹟

卷二十六

冢墓

卷二十七

藝文上

卷二十八

藝文下

卷二十九

金石

卷三十

古蹟

寺觀

卷二十六

雜識上

紀事
文獻

祥異

卷二十七

雜識下

叢談

卷二十八

物產

卷二十九

土風

卷三十

辨證


舊志源流

鄞縣志卷五

學校

古之立學者必釋奠於先聖先師今縣有頻宮擬古侯國之制也唐以前有廟無學宋王介甫知縣事始延鄉先生杜醇入學教諸生徒自後儒風大振然宋時學官命於朝者惟郡教授耳縣學出於有司辟致不由吏部銓也元明以來教諭訓導始有定額

國朝右文稽古樂育人材鄞爲大學博士弟子之額較它縣爲多所貴司鐸得人毋蹈倚席不講之失庶不負棧樸作人之盛意哉



府學在府治北鑿橋西唐貞元四年始建夫子廟宋天禧二年徙今地

國朝順治八年重修康熙九年重建明倫堂十五年修大

成殿雍正二年明倫堂毀於大風是年重建曹志乾隆五十

年知府陳鍾琛知縣錢維喬重建兩廡及櫺星門又以名

宦鄉賢一祠舊制狹陋改建廊而大之縣志

學宮在城西南隅行春坊左延祐志

唐元和九年學建於縣之東寶慶志先是大歷六年鄧縣自

小溪徙治於開明橋北乾道圖經云廟在縣東半里是指

開明之縣治而言也長慶初州治從小溪移來乃卽縣廟

以爲州廟聞志

宋天禧間守李夷庚移建州學於東北而廟仍屬縣慶歷中詔天下縣學士滿二百人並得立學王安石宰縣因廟爲學乃請杜醇爲師以教養弟子開志崇寧二年移學於縣西南隅成於大觀三年建炎中燬於兵嘉定十三年主簿呂康年請之丞相史魯公命守俞建相地擇所以舊址隘且不利以寶雲寺西威果指揮廢營更之地凡一十五畝二角四十五步於是

先聖始有殿寶慶二年守胡桀於殿後爲講堂從祀分列於殿之前齋舍門牖各有攸處明年仲秋釋奠禮行扁其堂曰養正四齋東曰觀善曰辨志西曰習說曰敬業寶慶志

元至元十九年儒學提舉田希亮增置二齋曰育英曰進

德二十六年郡城災茲學獨存次年浙東廉訪副使陳祥

撤而新之塗墍丹雘增煥聿新

延祐志

郡人王應麟記鄞在漢爲鄞屬會稽郡唐屬明州建夫子廟於縣東五代改鄞爲鄞宋始立學王文公宰縣因廟爲學教養縣之子弟風以詩書衣冠鼎盛後遷縣西南兵燬久未復主簿呂康年請於郡相舊址初禮殿設跪像堂曰養正爲齋者四至元十九年增二齋二十六年郡城災茲學巋若魯靈光斯文未墜道其泰乎二十年濟南陳公祥爲肅政廉訪副使分治於明崇庠序之教明年新郡學顧邑校風摧兩圯榱楹將壓殿雖更坐像庫陋未合古制爰命撤舊宇而新是圖夏六月鳩工經始規模崇闕視昔增煥縣尹張君孝安提其綱丞王君閏捐祿米以助主簿任君謙亦贊畫焉多士競勸佐厥費事鉅用不給檄縣以義役租續之揭石爲門六扇有伉掄材爲殿隆棟翬飛清池泱泱芹藻春意自堂及序以次繕修實惟禮樂之使居德善俗啟迪化原以恢宮牆之壯觀遂掖來遊誦公教澤永永無斁始教諭趙必燮庀役未克就嚴得桂繼之出私橐帥先吳應西聯事協力旣成請識石章應麟居是邦不敢以髦疾辭惟古者百里有師教以道藝孝弟仁義斯民也三代所

與共學也間爲左右塾黨以正齒位時會於州序去民
愈近施教愈密自武城弦歌弗聞急繭絲而緩教化先
政刑而後詩禮若密令舉善而教新城長延聚生徒何
其寂寥哉無以表倡之也我思古人有行部先卽學宮
見諸生試論有行縣學宮處士執經對講誰其嗣之賢
使者新斯學也豈徒美宮室云爾將新士以新民也昔
鄧有杜先生醇學行望一鄉縣大夫再書然後起其書
謂斯道我先得之必推餘於古人願賜臨以爲之師其
自重難致如此師道立善人多淵源有自爲師者盍以
爲法乎鄧士漢世僅一見虞仲翔之言可考也陸士龍
稱鄧之俗禮節恭謹蓋素履行願修其天爵是爲入德
之基進道之階自學校之建俊又興起鄉先生前後九
人其四出於鄧皆以忠信爲本踐履爲實仰高蹈景其
人若存爲士者不自勉乎師知所以教士知所以學朝
而受業晝而講貫夕而復習思無愧於儒之名前哲有
云學所以學爲人學爲君子學爲忠與孝也服膺三言
是訓是行化海瀕爲沐浴以一邑爲天下式將自吾鄧
始謹書其事誌夫敦學者式克用勸三十年秋八月壬
寅記

至大二年煨於火是冬縣丞賈思恭以廉訪副使趙宏偉

之命經營之縣尹張繼祖繼之後同知張伯延成之

延祐志

泰定初縣尹阮申之許具瞻至正間尹宋和卿皆加修繕

嘉靖志

案許廣大字具瞻修學在至正九年非泰定初

明洪武初損四齋存二更養正堂為明倫堂正統間守鄭

珞徙堂於殿西後剏廨宇東建文昌祠東北為射圃成化

初守張瓚割寶雲寺隙地以廣之宏治中提學副使趙寬

守伍符徙寶雲寺而遷明倫堂於其故址建尊經閣

嘉靖志

郡人楊守陟記宏治十二年夏六月提學憲副趙公寬行部至鄆勤學師生言曰尊聖道斥異端吾儒事也今儒學之東有佛寺聖師廟貌浮屠之居得以向之絃誦之聲梵唄之音有以雜之揚子雲有云在門牆則麾之今異端逼邇先聖之門牆可不麾斥之乎趙公然之遂移文於郡太守伍侯屬縣令趙君經徙學東之佛寺所

謂寶雲者置戒香廢寺之址而以寶雲之址歸之學徒
明倫堂於寶雲故址而以其後餘地建尊經閣既而守
以述職行新令曾君直克成厥功先是文廟聖像坐隅
復有石像一軀相傳以爲甬東書院所遺史文靖公刻
於序拜亭者轉徙湮沒久矣因浚泮池得之以寘於此
予子茂深適見之以爲塑像之隅復置石像不幾於倚
聖寘神乎因捐金以請於學官爲之藻飾凡座令奉安於尊經閣中并記之

陳琳鄭學崇正碑記聖人之道原於天而根於心正大
光明紹百王而崇萬世者也曩在戰國嘗爲楊墨邪說
所壞孟氏起而崇之蓋屹然矣奈何佛老之徒轉爲虛
無寂滅之教其言似是其說愈邪天下信之莫有覺其
非者自漢而唐歷宋抵元什伯其羣以誦其書金碧其
居以舍其徒崇奉之心視吾先聖或失過焉時則非無
明君賢相賢人君子生而以崇斯道然或作或輟是亦
猶栝水而救車薪之火耳我太祖高皇帝之興尊師孔
道雖畱二氏以化愚而必首儒科尾仙釋其邪正之分
己如天壤自是以來百數十年聖道愈彰凡閭巷之人
少知自高莫不羞與之處而樂爲之徒者不過窮困之
民假其形骸借其左道以爲衣食之資而已豈復自知
所爲虛無寂滅者哉吾儒視之本無足較但其書未火
猶爲愚者誦習其居未廬猶與文廟並比此爲道者所

以不能不爲之憂也鄞縣學之東舊有寶雲講寺簷檻對聳莫或登正迨泉州謝君洞來掌鄞教和州王君世昌莆田李君純分理教事生徒日衆議欲取其地而廬之時未有處之者宏治己未會邑人御史金公洪還自京師衆以公常知靖江興學校表前哲毀淫祠去邪術知慮絕倫乃以其意告之公乃毅然請行達諸督學副使趙公寬知府伍公符通判沈公希達茹公鑾推官陳公鍾知縣趙公經勅議以尼戒香廢址易之卽今明倫堂尊經閣內外二門東西齋廊與堂東新號之基也且屬所司備白金鑑餘贖今門東侵地惜乎是歲饑甚工役未興遂致所侵之地未能復也旣而吉水曾公直來知鄞事加櫺戶之飾巧塲之功然後事漸完焉嗚呼成立之難豈不信耶雖然昔孔子獵較孟子謂之爲兆金公是舉殆亦闢邪崇正之兆歟歲月悠悠星更七易與事之賢旣多遷轉而李君純亦將有行恐金公之績久而或泯故謀諸生具述來求予文以壽諸石云正德元年丙寅正月丁未記

屠浦修學碑記吾鄞先聖廟始於唐學始於宋在邑之東繼遷於邑之西南燬於兵又遷於今所廟居中面南節經修建至今閎壯崇麗氣象如新學在廟後我朝正統中遷於西偏而以舊址建學官廨舍然學之規模庫

隘弗稱且歲久將圯師生保殘守敝僅庇風雨而已其
地南逼通衢西北逼軍營東逼寶雲講寺成化丙戌因
射圃隘甚割其隙地以廣之亦不足以行射禮有司每
欲開拓計無所施先是寺僧有如璋者雖從佛教亦通
儒術嘗曰老佛與素王立教不同然殿宇左右並峙門
徑出入參雜甚非所宜安得僻靜處移易乎此念屢興
而未得其地乃宏治己未春如璋出定與其徒二三人
東行至竹湖坊見廢寺基一所乃喜曰吾輩若得此可
以安處矣既而以其意告於教諭謝君訓導王君李君
俱嘉趨之適欽命提督學政憲副趙公按節於鄧師生
遂達其事於公公忻然許之即屬之於郡守伍公曰此
予事也乃命梓人具圖以獻各有攸處人以爲中式通
判茹公見之曰御賜典籍具存天下儒學多有尊經閣
此處獨無可乎堂北有地我當補之於是衆工交作明
年歲凶伍公戒之曰民方艱食工勿亟又明年歲復凶
工乃輟壬戌大總工役始復前此同知俞公通判康公
推官陳公先後運籌以資不逮邑佐黃君程君教諭林
君相繼而至各贊襄之由是輪奐巍峩金碧輝映氣象
比舊什伯矣癸亥秋憲副趙公復至見之謂伍公曰此
足見治材也稱許不容口乃進師生訓飭之餘命徵予
言以紀其成